



WAR-MURTIYEEDKA
SHIR-SANNADEEDKA 5AAD EE
XEER ILAALIYAYAASHA
SOOMAALIYEED

//
GAARSIINTA ADEEG XEER
ILAALINEED OO TAYAYSAN
//

2023

HORDHAC

Shir-sannadeedka 5^{aad} ee Xeer Ilaaliyayaasha Soomaaliyeed oo sannadkan hal-ku-haggiisu yahay: "Gaarsiinta Adeeg Xeer Ilaalined oo Tayasan" ayaa lagu qabtay Hotel DECALE ee magaalada Muqdisho Soomaaliya. Shirkaas wuxuu socday muddo 2 maalmood ah 20-21 ka Feb 2023.

Shirka waxaa ka soo qeyb galay madax ka kala socotay Xafiiska Xeer Ilaaliyaha Guud ee Qaranka iyo Xafiisyada Xeer Ilaalined ee Dawlaha Xubnaha ka ah Federaalka, Guddiyada Garsoorka Arrimaha Diinta iyo Cadaaladda ee labada Aqal Baarlamaanka JFS, Ciidanka Boliiska Soomaaliyeed, Xafiiska Ra'iisul Wasaaraha, Bangiga Dhexe, Hay'adda Warbixinada Maaliyadda, Wasaarada Cadaaladda iyo Arrimaha Dastuurka, Wasaaradda Arrimaha Gudaha Federaalka iyo Dib u Heshiisiinta Maxkamadda Sare, Maxkamadda Racfaanka iyo Gobolka Benaadir, Ururka Qareenada Soomaaliyeed, Culumada Soomaaliyeed, Ururada Bulshada Rayidka ah, Hay'addaha " IDLO, EUCAP, UNSOM iyo UNODC" iyo Marti Sharaf kale.

Shirka waxaa furay Ra'iisul Wasaaraha Jamhuuriyadda Federaalka Soomaaliya.

BAAQA SHIRKA

1. Ka qeyb galayaasha Shirku waxay mahad u celinayaan qabanqaabiyayaasha shirka iyo hay'adaha ka qeyb qaatay taaba galidda shirkaan oo socday mudo laba maalmood ah.
2. Shirku wuxuu bogaadinayaa guulaha ay Ciidamada Qaranka iyo Shacabka oo iskaashanaya ay ka gareen xoraynta dalka laga xoraynayo khawaarijta.
3. Waxaa la xusay sida ay lagama maarnaanka u tahay in adeegga xeer ilaalinta iyo cadaaladda la gaarsiiyo goobaha la xoreeyay; waxaana Wasaaradda Cadaaladda iyo hay'adaha Garsoorku ay ku boorriyeen in si dagdag ah loo gaarsiiyo adeegaa.

4. Shirku wuxuu bogaadinayaa dadaalada la xiriirada la-dagaalanka lacag-dhaqidda iyo maalgelinta argigixsada, wuxuuna boorrinyaa in la sii xoojiyo hawlahaas.
5. Shirku wuxuu bogaadinayaa hagista iyo kormeerka joogtada iyo xafiisyada hagista ee lagu furay XIGQ iyo CID. Waxaa la xusay in hawlaha oo laga gaaray horumar hordhac ah, la sii joogteeyo lana gaarsiiyo nidaamkaa DXF.
6. Wuxuu kaloo shirku bogaadinayaa wada shaqeynta joogtada ah iyo xiriirka adag ee ka dhexeeya xafiiska xeer-ilaaliyaha guud ee qaranka iyo hay'adaha Baarista dalka, wuxuuna boorinayaa in la joogteeyo kormeerka iyo wada shaqeynta u dhexeysa boliiska iyo xeer-ilaalinta.
7. Shirku wuxuu adkaynayaa baahida loo qabo in la tayeeyo hay'adaha baarista oo hawbawlo u ah helidda cadaaladda, wuxuuna soo jeedinayaa in la dib-loo-habeeyo sharciyeedada, madaxbanaanineeda iyo tayadeedaba.
8. Shirku wuxuu bogaadinayaa dadaalada dib loogu qiimaynayo istiraatiijadda qorshaha qaran sannadaha soo socda. Qorsha kasta oo la sameeyaana waa inuu ka turjumaa higsiga lana jaanqaado himilooyinka lagu taamayo.
9. Shirku wuxuu bogaadinayaa dadaalka XIGQ ee lagu casriyaynayo nidaamka maamulka galalka (case management system) oo lagama maarmaan u ah helidda cadaalad hufan, la heli karo oo dhexdhexaad ah.
10. Shirku wuxuu hoosta ka xarriiqay dhibaatooyinka maandooriyaha iyo tacadiga jinsiga ay ku hayaan bulshada Soomaaliyeed. Wuxuuna soo jeedinayaa in hortabinta sannadkan la siiyo la dagaalanka musuqa iyo maandooriyaha, iyo jaraa'inta anshaxa ee baraha bulshada.

11. Shirku waxa uu gartay ahmiyadda uu leeyahay Xafiiska Diiwaanka Dembiyada wuxuuna boorinayaa howlaha socda ee la xiriira howlgelinta xafiiskaasi. Shirku wuxuu markaa Xeer Ilaaliyaha Guud ee Qaranka u soo jeediyay inuu hubsada fulinteeda, lana gaarsiiyo DXF, laguna billaabo uruurita go'aanada maxkamadaha.
12. Shirku waxa uu hoosta ka xariiqay muhiimadda uu Machadka Tababarka garsoorku u leeyahay midaynta manhajka, tayeynta iyo, kor u qaadista xirfadda xeer-ilaaliyeyaasha. Waxuu kaloo boqaadinayaa howlaha la xiriira daadejinta adeegga machadka ee Dowladaha xubnaha ka ah dowladda federaalka soomaaliya.
13. Shirku wuxuu bogaadinayaa kobaca ka muuqda iyo talaabooyinka lagu horumarinayo wada-shaqaynta XIGQ, Xafiisyada Xeer Ilaalined ee DXF, hay'adaha dawladda iyo hay'adaha horumarinta.
14. Shirku wuxuu soo dhaweynayaa dadaalada midaynta iyo ka go'aan gaarista xaashida eedda.
15. Shirku wuxuu bogaadinayaa boorinayaana in kor loo qaado wacyigalin busho oo la xiriirta saamaynta taban ee uu bulshada ku leeyahay danbiyada iyo in tilaabo sharci waafaqsan laga qaadi karo cidda ku xadgudubta tacadiyada iyo fal-danbiyeedyada.
16. Gunnaanad, Shirku wuxuu aqoonsaday doorka Xafiiska Xeerilaalinta heer federal iyo heer Dowlad goboleed ku leeyihiin dowlad dhiska soomaaliyeed ayna lagama maarmaan tahay in la helo xeerilaaliyeyaal ku qalabeysan aqoon, daacadnimo, karti iyo hufnaan.

Dhamaad.

Allaa Mahad leh

Talaado, 21ka Febraayo, 2023